

केन्द्रीय मंत्री डाक्टर जितेन्द्र सिंह होरें आखेया ऐ जे 2021 थमां इक-इक महीने तगर चलने आहले 5 समर्पित सालाना स्वच्छता अभियानें राएं कबाड दा नबेड़ा करने कन्नै कुल 4 हजार 85 करोड़ रपे थवां मते दा राजस्व हासिल होआ ऐ। डाक्टर सिंह होरें आखेया जे कबाड गी बेचिए किट्टी कीती गेदी रकम इक मेगा अंतरिक्ष मिशन, यां फही कैई चंद्रयान अंतरिक्ष मिशनें दे कुल बजट दे बरोबर होई सकदी ऐ। उन्नं चेता दोआया जे प्रधानमंत्री बनने मगरा अपने पैहले स्वतंत्रता दिवस सम्बोधन च नरेन्द्र मोदी होरें लाल किले दे परकोटे स्वच्छता दा आहवान कीता हा। तौले गै एह जन-अभियान बनी गया ते पैहले बरे च गै 4 लख थमां मते शौचालय बनाए गे। उन्नं दस्सेया जे पिछले बरे खास स्वच्छता अभियान तैहत 3 हजार 3 सौ करोड़ रपे दी कमाई होई।

<><><><><>

Satish Sports (Byte)

खेड ते युवा मामले दे मंत्री सतीश शर्मा होरें आखेया ऐ कि सरकार जम्मू-कश्मीर चे खेडें ते युवा प्रतिभागियें गी बढ़ावा देने आस्तै पूरी चाल्ली वचनबद्ध ऐ ते इत्थे उपलब्ध खेड ढांचे दा दर्जा बधाना- भलेया- अज्जै-कल्लै दियें सुविधाएं गी जोड़ना- बेहतर सिखलाई ते कोचिंग उपलब्ध कराना- जनेए कम्म सरकार दियें तरजीएं च शामिल न तां जे इत्थूं दे नौजवान खडारियें गी खेडने ते अपनी क्षमता च होर नखार आहनने लेई बेहतर सुविधां ते साजगार म्हौल उपलब्ध होई सकै। कल बारामुला च सोपोर दे चन-खान स्थित खेड मैदान दा दर्जा बधाने दे कम्मै दी शुरुआत करदे मौके मंत्री होरें घोषणा कीती जे खेडें च शानदार प्रदर्शन करने आहलें गी सरकारी नौकरियें च तरजीह देने बारे नियम जारी करी दिते गेदे न। उन्नं आखेया जे खेडान नौजवानें दी ऊर्जा ते क्षमता दा स्टेई ते पूरा -पूरा इस्तेमाल करने दा मौका प्रदान करदियां न

<><><><><>

ते हुंन बाकि दिए खबरें कन्नै जगमोहन शर्मा:-

<><><><><>

Pashmina Fest-2025 (Byte)

जम्मू-कश्मीर दे सगोसार दस्तकारी विरसे गी बढ़ावा देने दे मकसद कन्नै कल कटड़ा च त्रै-रोजा पश्मीना उत्सव 2025 शुरु होआ- जेहदा लम्मे चिरे थमां इंतजार हा। उद्योग ते बपार मैहकमे दे कमीशनर सैक्रेटरी विक्रम जीत सिंह होरें जम्मू-कश्मीर बपार उत्थान संगठन JKTPO आसेया आयोजित इस उत्सव दा उदघाटन कीता- जिसी केन्द्री कपड़ा मंत्रालय नै प्रायोजित कीते दा ऐ। इस पश्मीना उत्सव च कठुआ ते श्रीनगर दे पश्मीना उत्पाद गी दिक्खने ते बिक्री लेई रखे गेदे- जिनेंगी जी.आई. टैग हासल ऐ- इस आयोजन च नां छड़ा जी.आई टैग हासल पश्मीना उत्पाद दिक्खे ते खरीदे- बेचे चाई सकदे न- सगुआ मकामी कारीगिरें ते कलाकारें गी अपना कला छमता ते हुनर गी सारे सामनेन रखने दा मौका बी हासल होआ करदा ऐ। इस उत्सव च शामिल होने आहलें दे- राष्ट्री सतह दे 40 कोला मते खरीददार बपारियें कन्नै मिलने- गल्ल करने नै इन्नं पश्मीना कारीगिरें गी मता फैयदा होग। इस मौके कमीशनर सैक्रेटरी विक्रम जीत सिंह होरें आखेया

<><><><><>

69th National School Games

19एं बरें शा हेठली उम्मी दे जागतें दे वर्ग च ताइक्वांडो लेई- 69मीं राश्ट्री स्कूली खेड्डां- जंदे रोज जम्मू दे भगवती नगर दे इंडोर खेड्ड परिसर च शुरु होइयां। इस कार्यक्रम दा उदघाटन कमीशनर सचिव यशा मुदगल होरें कीता ते चुनौतियें दा सामना करने लेई खडारियें दी सराहना कीती ते सेहत- मानसिक नरोआपन ते एकता गी बढ़ावा देने लेई खेड्डें दे महत्व पर जोर पाया। चैम्पियनशिप च पूरे भारत थमां 34 टीमां हिस्सा लै रदियां न। जम्मू-कश्मीर आस्तै शानदार शुरुआत करदे होई नासिर -उल-इस्लाम सैमीफाईनल च पुज्जे ते अपने प्रदेश आस्तै इक तगमा पक्का करी लैता। होरनें मैचें च बक्ख-बक्ख राज्यें ते संगठनें दियें टीमें रोमांचक जितां हासल कीतियां।

<><><><><><>

Pantnitop Marathon (Byte)

जम्मू-कश्मीर सैलसफा विभाग आसेया इका स्पोर्ट्स एंड इवेंट संगठन दे सैहयोग कन्नै आयोजित पत्नीटॉप मैराथन दे 5में संस्करण च कल हर वर्ग दे लोकें बधी-चढ़ियै हिस्सा लैता- जिस दौरान तंदरुस्ती गी लेई उत्साह ते जज्बा साफ दिक्खने गी लब्बा। मैराथन गी सैलसफा जम्मू दे जायंट डरेक्टर एजाज़ कैसर होरें पत्नीटॉप च झंडी दस्सियै रवाना कीता। इस मैराथन च द्रौड़ दिएं बक्ख-बक्ख श्रेणियें च 50 किलोमीटर अल्ट्रा मैराथन- 21 किलोमीटर हाफ मैराथन ते 10 ते 5 किलोमीटर दियां द्रौड़ा शामिल हियां। खिते दे बक्ख-बक्ख हिस्सें थमां आए दे प्रतिभागियें बधी-चढ़ियै बक्ख-बक्ख श्रेणियें दियें द्रौड़ें च हिस्सा लैता। हर प्रतिभागी दा इस आयोजन गी लेइयै उत्साह दिक्खने गी बना करदा ऐ

<><><><><><>

Read by: Jagmohan Shama and Kunal Shrivatsa

D.E.O : Rajni Devi

Skilled : Rajat Paul

Editor : Abhilasha Sharma